

27
DISSERTATIO INAVGVRALIS MEDICO-CHIRVRGICA,

SISTENS

BIGAM

PESSIMORVM ET RARIORVM AFFECTVVM

RHACHITIDEM

ET

SPINAM VENTOSAM,

QVAM,

VELIFICANTE NVMINIS SVPREMI GRATIA

RECTORE VNIVERSITATIS MAGNIFICO,

PRÆNOBILI ET CONSVLTISSIMO

DN. TOBIA JAC. REINHARTHO,

JCTO, SACRI PALATII CÆSAREI COMITE, JVRID. FACVLT. ASSESSORE

ET PROFESS. COD. PVBL. ORDIN. CIVITATIS SYNDICO

ET CONSVLE,

AVTORITATE ET DECRETO GRATIOSÆ FACVLTATIS

MEDICÆ IN PER-ANTIQA HIERANA,

SVB PRÆSIDIO

LAVDATISSIMI ORDINIS MEDICI DOMINI SENIORIS

DN. D. HERMANNI PAVLI JVCHII,

SERENISS. DVCVM SAXO-VINAR. ET ISENAC. CONSIL. AVLICI ET ARCHIAT.

PATHOL. ATQVE PRAXEOS PROFESS. PVBL. PRIMAR. ACADEM.

CÆSAR. NAT. CVRIOS. COLLEGÆ,

PATRONI AC PROMOTORIS SVI COLENDISSIMI,

PRO GRADV DOCTORIS

VNA CVM PRIVILEGIIS ATQVE IMMVNITATIBVS

ANNEXIS LEGITIME ADIPISCENDO,

PVBLICÆ ERVDITORVM CENSVRÆ SVBMITTIT

AVTOR ET RESPONDENS

JOHANNES Traugott GEHLERVS, Gorlicio-Lusat.

IN AVDITORIO MAJORI COLLEGII MAJORIS, HORIS CONSUVETIS.

DIE X. SEPTEMBRIS, A. R. S. M DCC XXXI.

ERFORDIÆ, Typis JOH. CHRISTOPHORI HERINGII, Acad. Typogr.

DISSECTATIO IN ANATOMIA VENTRICULI

PHYSICIS

TESTIMONIUM ET RATIONEM AFFECTIVAM

RHACHITIDEM

ET

SPINAM VENTOSAM

RECTORIS UNIVERSITATIS MAGISTRI

DOCTORIS JACOBUS HANSEN

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS

PHYSICIS



PROÆMIUM.



Tantum esse immensi Numinis providentiam & sapientiam in conservatione immensi non solum orbis, seu Macrocosmi; sed ipsius quoque hominis, aut Microcosmi, quanta statim in prima horum origine, creatione puta ac formatione, emicuit & manifestata fuit omnipotentia, cuilibet, prima mundi principia & stupendum tam creationis, quam generationis opus attentioribus mentis oculis respicienti & consideranti, notissimum sane erit: Quicquid enim in vastissimo hocce mundi ambitu nostris obversatur oculis, ne ipsa quidem artificiosissima pariter ac fragilissima corporis nostri machina excepta, illud omne corruptioni & plenariæ tandem annihilationi obnoxium & expositum existit, quæ certe breviori temporis spatio sæpissime suboriretur & subsequeretur, nisi continua appositione novarum cuilibet subjecto

homogenearum materiarum, illa vel ulterius augerentur majorique robore obfirmarentur, vel saltem sub notissimo *Nutritionis* actu in pristino suo vigore quodammodo conservarentur. Optime igitur & summo cum jure CHARLETONIVS in *Exercitat. suis de Oeconom. animal. Lib. I. §. 2.* asseruit, *nutritionem* nihil revera aliud esse, quam *continuum*, seu *singulis momentis repetitam* ac renovatam *generationem*, adeoque eandem æque necessariam esse ad individuorum, ac ipsa generatio est ad totius universi, seu specierum perennitatem, cum alias corporis nostri integritas seu congrua partium tam solidarum, quam fluidarum proportio, vix ac ne vix quidem perfecte subsistere queat, cum ita exquisitè semper administrari debeat hic actus, ut ordinariè in prima ætate plus humoris nutritii in partium substantiam convertatur, quam quidem absorberi solet, ex quo dein *augmentatio*, vel *accretio* proprie dependet; contra vero in consistenti ætate non nisi tantum, vel paulo minus etiam, quam antea deperditum fuit, ad partes deferatur iisque assimiletur, quod *Nutritionem* in strictiori sensu vocare solemus. Hinc etiam Dictator noster COVS *Aphor. 14. Sect. I.* experientia edoctus non immerito dixit: *Que crescunt, plurimum calorem innatum habent, & plurimo propterea indigent alimento, alioquin corpus consumitur.*

Dolendum autem utique est, quod circa salutaris hujus & perquam necessarij nutritionis actus administrationem, plerumque tot tantique occurrant errores, admodum fonticos & perquam noxios tandem effectus in ipsum satis debile humanum corpus inferentes & post se relinquentes, quorum illi præprimis pessimi & peri-

periculosissimi censentur, quando vel ob erroneam motuum directionem, vel ob graviora quædam impedimenta, maxime autem viscerum, secretioni & depurationi humoris nutritii destinatorum malam constitutionem, modo insufficienter & justo parcius totum corpus nutritur, adeoque *Macies* & *Atrophia* exinde producitur, modo etiam irregulari & planè confuso modo ad aliquas non nisi partes nimium quantum ordinarii talis nutrimenti defertur, & aliis injuste detrahitur, sicque hæ eximie contabescunt, illæ vero in præternaturalem & maxime magnitudinem excrescunt, quod in RACHITIDE potissimum fieri deprehendimus, ubi omnes fere nutritios succos ossa a carnibus suffurantur, dumque sic, ut Doctiss. HECQVETI verbis in *Tract. de purg. Medic. a curar. Jordibus* c. 28. p. 354. prolatis utar, carnosæ partes macie horridæ sunt & alitura defectæ, succis nutritiis ita luxuriant osseæ, ut spatia non inveniētes in brevi infantium corpore, intra quæ in longum crescant, arcuari cogantur, nimiaque alimonia exuberantes articuli, lymphæ seu sinovia turgentes in nodos exuberent.

Interim si modo unicum hoc ossa generatim, & spinam dorsi speciatim, premeret fatum, melius sane quodammodo constitutum esset cum tenellulis infantibus, utpote eidem maxime expositis; ast, iterum iterumque dolendum est, quod, præter hoc, quandoque aliud non minus fonticum, imo adhuc pejus malum, prædictas osseas corporis partes affligat, dum nimirum vel ob insignem universalem quandam Cacochimiam scorbuticam, vel ob specialem miasmatis cujusdam

peregrini fermentativo-acris & caustici in certis partibus collectionem, aut eo factam translationem; ossa ibidem hærentia tacite arroduntur, exeduntur, corumpuntur, destruuntur, eoque ipso alia simul maxime damnosa consuetaria in ipsam corporis nostri vitalem Oeconomiam introducuntur, prout hoc turpissimus ille, SPINÆ VENTOSÆ titulo insignitus affectus, exactissime testatur. Cum ergo vix graviores magisque rebelles præ his, si præprimis tenellula infantum corpuscula occupaverint, in praxi clinica occurrant affectus, placuit propterea nequissimam hancce Bigam, loco speciminis Inauguralis paulo fufius, quantum per virium imbecillitatem licuit, explanatam, L. B. censuræ subijcere. Ut autem coëptis his nostris DEUS T. O. M. gratia sua clementissime adesse velit, devotissime nunc precor & exopto.

SECTIO PRIOR.

Theoriam Rhachitidis & Spinæ ventosæ tradit.

§. I.

Receptum hætenus & ad omnes res tractandas riteque exponendas summe necessarium ordinem observaturus, non immerito tractationem hancce a Nominum expositione exordior, ut, hac præmissa, tanto facilius dein & expeditior ad realia possit fieri transitus. *Rhachitidis* ergo vocabulum per consuetudinem quidem ad latinum forum tractum, origi-

origine tamen non nisi græcum atque a sede principaliter affecta, *spina dorsi* nimirum unice desumptum est: Græcis enim *εἰς spina dorsi* & *εἰς τῆς μελλος medulla spinalis* dicitur; hinc Medici Angli, qui dirum hunc affectum primi in oris suis observarunt, quoniam insimul deprehenderunt omnium maxime sub eodem vel medullam hanc vel ipsam spinam affligi, speciatim ei nomen illud *εἰς τῆς* tribuerunt, quod quasi νόσος τῆς εἰς seu morbus spinalis sit, quam ultimam denominationem etiam propterea quidam inter Latinos postmodum retinuerunt. Vulgari autem Anglico nomine the *Rickets* in hodiernum usque diem salutatur, quod tamen, unde originem traxerit, a quo & quam ob causam eadem impositum fuerit, penitus se ignorare fatetur GLISSONIVS qui, peculiarem de hoc affectu conscripsit Tractatum, siquidem ita obscura est origo illa, ut nec vis vocis, nec intercedens aliqua cum aliis vocabulis affinitas eam indigitare valeat. Reliqua autem quod attinet synonyma, pauca admodum sunt, cum non nisi BONNETO *Tom. III. Thesaur. Med. Pract. Lib. V. pag. 671.* & BEOTIO *Tabes pectoræa* vocetur, hanc procul dubio ob causam, quod sub irregulari in eadem occurrente nutritione pectus plerumque nimium quantum coarctatur, & contabescit; aliis etiam *Atrophia rhachitica* audit, quia simplicem Atrophiam inveteratam quandoque tandem excipit. Galli interim eundem *la Chartre*; Belgæ, den *Lendenvang*, & Germani, quia ipsis olim ignotus fuit hic affectus, ipsum a patria, ubi primum innotuit, denominare & propterea morbum Anglicum, die *Englische Krankheit*, appellare solent.

§. II.

Alterius autem affectus usitata denominatio origine latina, & potissimum ab urgentioribus ejusdem symptomatibus desumpta est: *Spinæ* enim Etymologiam illi, qui verba potius, quam substantiva, pro radicibus habent, ab antiquo *spinare*, quod idem erat, ac *pungere* vel *claudere*, deducere malunt; NICOLAUS PEROTTVS autem in *Cornu copiæ latinæ linguæ* p. 189. vocabulum hoc a *spica*, quod ad spiculi similitudinem acuta sit spina, derivandum censet, licet in eo plane dissentientem habeat VOSSIVM, qui in *Etymol. lat. linguæ* p. 486. potius a græco *σπινεν*, *extendere* vel *expandere*, ejus originem arcessit, quam sententiam, utpote prioribus probabiliorem, nunc quoque amplecti lubet. Quoad *Homonymiam* vero admodum *πλῆθυνσις* est *spinæ* vocabulum, & non modo omne id, quod in plantis & fruticibus aculeatum est, denotat, sed & de plantis ipsis quandoque usurpatur, nec non apud PETRONIVM in *Satyræ* pro Dentiscalpio sumitur. Per metaphoram dein toti contextui vertebrarum & condylorum dorsum in corporibus animalium quorumcunque constituentium, per quem medulla abinde spinalis dicta, a Cerebro descendit, quoniam nimirum modo dictæ vertebræ utrinque exhibent processus spinis haud absimiles. Hæc autem omnia & reliqua, cum ad nos non pertineant, merito mittimus, quoniam non nisi de morbo quodam ossibus proprio, ideo maxime *Spinæ* titulo donato, nobis jam sermo est, quod acuto & pungitivo quodam dolore maxime sese prodat: Erat enim hoc Arabibus præcipue Medicis solenne, ut affectibus cum ejusmodi dolori-

loribus exactè conjunctis tale plerumque nomen tribuerint, prout hoc deprehendimus apud AVICENNAM, qui *Lib. IV. Fen. 3. Tr. 1. c. 1.* inflammationem vocavit spinam, quemadmodum MESVES hoc vocabulum speciatim de phlegmonico apostemate seu furunculo adhibuit.

§. III.

Nostro ergo affectui dum *spinæ* nomen imposuerunt prædicti Arabes, dubio procul respectum simul habuerunt vel ipsius *Generis* aut *rationis formalis*, quæ nonnisi in *Carie* consistit, qualis corruptio ac erosio in ossibus non solum quasi a rebus pungentibus introduci videtur, sed & ita depravare solet ipsa ossa, ut, ad instar lignorum cariosorum, spinis quasi perforata appareant; aut etiam attenderunt ad ejus *subjectum* principale spinæ dorsi nimirum, in qua hic affectus præcipue suam demonstrare solet sævitiam; hinc etiam melioris distinctionis ergo prædicatum *Ventosa* simul adjunxerunt, non quidem hac ex ratione, quod a materia ventosa vel flatulenta dependeat dirus iste morbus, sed potius ob excavationis modum, quia nimirum a tali erosione ossa quasi pervia & aëri recipiendo apta, aut vento plena redduntur, vel etiam vicinæ ac subjectæ partes inde non raro quasi in tumorem flatulentum attolluntur. Quoad *Synonymiam* tandem complures utique aliæ inter Autores prostant denominationes, quibus illi affectum hunc insignire solent: Arabes enim spinæ ventositatem, elata & figurata quasi dictione vocant; a Græcis *τεγιδών* salutatur, ab usitato *τεγιδών*, *terebro*, *perforo*; SEVERINVS novo plane nomine ex tribus

B

voca-

vocabulis composito, *παιδαρθεονάων*, i.e. *Puerorum ad artí- culos malum*, eundem donavit, licet injuste, cum & adul- tos illo affligi notum sit. Latinis denique modo *cor- ruptio*, *excavatio*, vel *perforatio ossis*, modo *ulcus ossuosum*, item *interna caries* & *internus ossium abscessus*, audit, & a Germanis quibusdam *der Wind-Dorn*, appellatur, li- cet hoc nomen nec usu valde tritum, nec ipsi affectui admodum adæquatum observetur.

§. IV.

A nominalibus autem definitionibus nunc ad rea- les descendentes RACHITIDEM merito definimus, quod sit *nutritio depravata totius corporis*, cum *p.n. par- tium laxitate*, insignique *macie*, *abdominis tumore* & *duritie*, *artuum*, *circa internodia inprimis*, *protuberantiis nodosis*, *os- sium incurvatione*, imo *ipsa gibbositate eximia conjuncta*, a *vitiis gravioribus tam solidarum, quam fluidarum partium po- tissimum inducta*. SPINA autem VENTOSA est *caries oc- culta*, seu *corruptio ossium maligna*, ab *interna eorundem sub- stantia initium capiens*, *tractu autem temporis ad superjacen- tes partes progrediens*, *ibique tumorem ac dolorem admodum sensibilem producens* & *a sero aliisque impuritatibus acido- acribus corrodentibus*, *huc congestis*, & *successive corruptis*, *plerumque oboriens*.

§. V.

De *Rachitide* interim hoc ante omnia probe notan- dum erit, quod ex numero illorum sit affectuum, qui veteribus vel in totum, vel saltem aliqua ex parte inco- gniti fuerunt & manserunt, quoniam si scripta eorun- dem paulo attentius pervolvamus, nullum plane ibi- dem descriptum deprehendimus morbum, qui hujus ideam

ideam perfectam, signa aut symptomata omnia exacte referat. Quantum ergo ex recentiorum Medicorum relationibus constat, prima vice hic morbus sub prioris seculi initium in Anglia, & ejus potissimum meridionalibus regionibus, Comitatu nimirum *Dorset* & *Sommerfet*, innotuit; mox vero, pro more epidemico-
rum morborum longe lateque se dispersit, ut ipsum etiam Londinum, Oxonium, Cantabrigiam, aliasque australes Angliæ partes invaserit, donec tandem per integrum fere regnum in ipsam quoque Scotiam conterminam sese divulgavit. De hinc postmodum in Belgium & exinde in Galliam teste BOOTIO *de affect. omiff. cap. 12.* translatus est, ubi ingens utique numerus infantum quotannis hoc morbo interire solet. Tandem in nostris quoque oris infantum cunas occupavit, hodieque in nonnullis Germaniæ provinciis usque adeo frequens est, ut forte ipsi Magnæ Britanniæ non cedat, & non immerito pro gravissimo infantum hoste reputandus veniat.

§. VI.

Ex allatis autem definitionibus satis exacte nunc apparet, qualis inter hos affectus proprie intercedat differentia, cum, licet uterque suam maxime tragoediam ludat in ossibus corporis partibus, tamen *Rhachitis* illas tantum ad incurvationem & gibbositatem, *Spina* autem *ventosa* ad actuale corruptionem & clandestinam cariam semper disponat, tandemque si ad statum consummatum ambo pervenerint, ille non nisi nodos & tubercula circa articulationes, hic vero pessimi moris ulcera producat & inducat. Ab *Atrophia* vero, cum qua pau-

lō exactius quidem convenire videtur prior affectus, facili tamen negotio distingui potest, cum non nisi confectarium quoddam ejus constituat, eamque si inveterata fuerit, demum excipiat, & sic supremum quasi ipsius gradum constituat. Parili quoque modo ab Arthritide vera ac perfecta, pariter nodos ac tubercula circa articulos, partiumque contracturam & ariduram tandem inferente, facile distingui potest modo dicta Rhachitis, quoniam in illa semper exquisitissimi & acutissimi dolores, in hac vero inaequalis & confusa tantum nutritio una cum suspectis viscerum atque humorum vitiis potissimum inculpa esse solet. De reliquo Rhachitis in se spectata etiam quoad *gradum, durationem & sympiomata accedentia* variare solet, dum modo *levior* seu *incipiens* & adhuc sanabilis, simulque paucioribus & mitioribus symptomatibus stipata est; modo etiam *consummata* *gravior*, vel curatu difficilior est, ob conjuncta plura ac vehementiora symptomata, omnium nempe partium immobilitatem & flacciditatem ossium & spinæ dorsi extremam incurvationem, summeque difficilem respirationem &c. utique pejor atque pertinacior existit.

§. VII.

Spina autem *ventosa* inprimis probe distinguenda est a simplici *Carie* ossium, puipe quæ ordinarie in externa superficie ossium, præsentibus jam jam externis ulcerationibus, originem suam sumit, & abinde rodendo introrsum versus medullium ossium pergit; cum e contrario in nostro affectu talis corruptio semper in interioribus ossium partibus exoriatur, citra prægressam

sam qualemcunque externam ulcerationem, postmodumque extrorsum versus se se extendat, coque ipso demum maligna ejusmodi ulcera introducat. Differt interim ipsa hæc spina ventosa potissimum quoad *gradus*, quorum tres plerumque a Practicis eisdem assignantur: *Prior*, ubi corruptio adhuc *exacte intus occlusa* est, sub quo ordinarie dolores ita dicti *spinosi* quasi meditullio ossium persentiscuntur, qui tamen sub externo contactu partis affectæ nondum exacerbantur; *medius* in quo corruptela manifeste apparet & in conspectum prodit, simulque præcipue *tumorem* quendam *spongiosum* aut quasi *venosum* format; & tandem *supremus*, quando hic ipse modo-memoratus in *actuale* foetidum & cacoethicum *ulcus* degenerat, sub quo nil nisi serum quoddam acre circumjacentes partes successive depascens, sub universali totius corporis emaciatione, prodire solet.

§. VIII.

Datur proinde etiam alia spinæ ventosæ differentia, quæ desumitur a *Genere* seu *Corruptione*, quippe quæ vel major vel minor, periculosa, minus periculosa aut etiam periculosissima est: Licet enim in genere omnis ossium caries mali moris sit & ad eorum *destructionem* tendat, simulque præsentiam humoris maxime depravati arguat, tamen una præ altera pejor atque malignior observatur, & modo brevi temporis spatio ossium substantiam exedit atque absumit, modo lentis tantum progressibus eosdem corrumpit. Porro quoque differentia quædam desumitur a *subjecto*, seu ipso osse affecto, prout nempe turpissima hæc corruptio

modo ossa nobilioris & sensibilibioris, modo etiam ignobilioris cujusdam partis occupare solet: si enim in spina dorsi, ossibus cranii, palati, maxillarum, ischii & coxendicum occurrat, gravior semper & pejor censenda est, quam si in carpi & tarfi aut pedum & brachiorum ossibus prodeat. Tandem etiam quoad ipsam *causam* communiter differt, dum modo a prægressa vel adhuc concurrente Lue venerea, modo a scorbuto, vel qualicunque alia graviore cacochymia & humorum dyscrasia producitur, modo etiam alios hujus generis contagiosos morbos sequitur, aut etiam quædam ulcera maligna & cacoethea jam jam præsentia comitantur.

§. IX.

Reliquas horum affectuum ab aliis congeneribus differentias & distinguendi modos, inprimis qua ratione a phthisi pulmonali, renali vel uterina, item hæctica, marasmo senili aut partium aridura, speciatim differat *Rhachitis*, lubentes jam mittimus, quoniam facillimo utique modo in quantum ab iisdem recedat, cuilibet attentius illos consideranti innotescere potest; hinc ad *Historiam* hujus affectus & signorum enumerationem potius nos convertimus, cumque eundem non nisi progeniem Atrophix consummatæ esse per experientiam cognitum jam jam sit, in ordinariis hujus morbi signis, Rhachitidem tali ratione præcurrentibus, enumerandis nullo prorsus modo operosi erimus, cum aliunde & satis abunde cuilibet fere hæc ipsa pateant, sed potius ad essentialia & ipsam illam Rhachitidem proxime concomitantia signa progredimur, ini-

initium perlustrationis ipsorum in capite facientes, quod ordinarie valde magnum & grande apparet, cum facie prætumida, colorem tamen sic satis vivacem exhibente; quæ vero sub capite collocatæ sunt partes, collum nempe una cum externis musciculis, nimium quantum flaccescunt, ita ut caput erectum servare, brachia attollere pedibusque insistere vix ac ne vix quidem possint. Cutis etiam ac reliqua totius corporis caro admodum laxa & flaccida apparet, tantaque postmodum debilitas & enervatio omnium externarum partium & speciatim spinæ dorsi subsequitur, ut corpus vix sustineri queat, pedesque ac brachia vigore & tono suo prorsus destituta, hinc inde labantur atque vacillent.

§. X.

Sub his circumstantiis postmodum abdomen communiter magis magisque induratur & intumescit, ut prætumidum nimiumque expansum appareat, & tandem ossa, inprimis tibiæ & quandoque etiam cubiti circa apophyses & epiphyses suas intumescunt, & in medio successive incurvantur, quale quid etiam ipsi spinæ dorsi tandem evenit, quæ propterea vario modo contorta apparet, quemadmodum etiam costae in illa parte, ubi cum sterni connectuntur, nodosae fiunt, ex quo insolita sterni protuberantia, pectoris coarctatio & in posteriori ejus parte gibbositas postmodum exoritur, quæ respirationis functionem gravissime laedit & impedit ac in plenarie asthmaticum statum aegrotantes tales conjicit, qui dein, crescente ætate insignem quidem voracitatem exhibent, nihil vero inde

de utilitatis, quoad negotium nutritionis, accipiunt, quin potius accedente febre hectica aut etiam Diarrhoeis chronicis magis magisque languescunt & extenuantur, ut tandem non nisi viribus omnibus destitutum principium vitale, corpus ita extreme emaciatum & prorsus fere exsiccum deferere cogatur, in quo dein non nisi membranae rubedine tinctae, loco musculorum, inter secundum Anatomico tale corpus forsitan post mortem examinanti, apparent, quandoque etiam circa lumbos ulcera fistulosa, praeprimis quando Rhachitici tales per aliquod tempus adhuc in vita perstiterunt, ab universali humorum dyscrasia acri & fermentativa producta, observantur.

§. XI.

Evolutis nunc signis Rhachitidis, propius ad ejus *aetiologiam* accedendum, & quaenam proprie *causae* truculentum hunc affectum producant, disquirendum merito erit. *Immediatam* igitur & *proximam causam* constituit nutritio inæqualis, turbata & prorsus erronea, ob graviora quaedam impedimenta & obstacula a principio vitali & supremo motuum quorumcunque ad corporis oeconomiam spectantium directore, ita confuse administrata vel prorsus neglecta. Ex his vero impedimentis primarium & principale utique est obstructio gravior circa Mesenterium, Pancreas & Hepar contingens, quæ ipsa insimul *causam mediatam propinquiorem* constituit. Mesenterium enim præ omnibus reliquis visceribus facillime obstructionibus expositum esse, structura ejus a priori & experientia a posteriori comprobant. Siquidem exilissima & simul copiosissima

ma

ma ibidem reperiuntur vasa, in quibus liquida quodammodo jam jam viscidiora levibus ex causis stagnare sicque obstructionem formare possunt, sub qua dein glandulæ meseraicæ ac connexæ pancreaticæ magis infarciuntur & distenduntur tandemque scirrhosam & quasi steatomaticam acquirunt magnitudinem, non excluso etiam Hepate, quod pariter ob difficilem spissioris lymphæ transitum & restagnationem modo ad infarctus vel scirrhos disponitur, modo etiam in ingentem molem excrescit & expanditur, eoque ipso p. n. illum tumorem ac duritiem abdominis producit, dum interim Mesenterium nimium ibidem auctum & expansum, in superioribus lumborum vertebriis, cum quibus firmiter connexum est, hac sua mole vel levem quandam subluxationem producit aut saltem tantis per eadem de sede sua dimovet, sicque ad gibbositatem & spinæ dorsalis incurvationem reliquorum ossium, imprimis confusa & irregularis eorundem nutritio, musculis interim & ligamenti debito nutrimento destitutis, plurimum contribuit, quoniam tunc illa magis elongantur, hi verò abbreviantur, adeoque impediunt, ne in recta linea ulterius se expandere queant.

§. XII.

Causam mediatam remotiorem constituit utique p. n. Lymphæ viscositas, crassities & tenacitas, ex sanguine spissiori aliisque heterogeneis impuritatibus nimium inquinato præcipue enata & ad inducendas modo memoratas viscerum obstructions potissimum apta. Ad *causarum vero occasionalium* classem optimo jure referenda est 1) *dispositio hereditaria*, cujus intuitu infantes a

parentibus scorbuticis, cachecticis, phthificis, aliove vitio sanguinis & humorum laborantibus geniti, plerumque mali hujus originem ex utero matris arcessunt, idque tanto certius, si hæc durante graviditatis tempore vel quotidie graves in diætâ committit errores, & alimenta nec debita quantitate, nec qualitate, nec etiam tempore convenienti assumit, sicque proprios pariter ac ipsius foetus humores nimium quantum corrumpit, aut semper otiosa quiescit, aut vinosis vel spirituosius potulentis abutitur, aut gravioribus denique animi pathematibus perturbatur, prout hoc testatur exemplum in *A. N. C. Dec. III. 9. & 10. Observ. 233.* relatum, de gravida quadam, aspectu mendici cujusdam manibus pedibusque mutilati, terrore perculsa, infantem postmodum Rhachitidē monstrōsa laborantem enixa. Post partum dein multum quoque huc contri-
 buunt 2) *vitia nutricum* vel *morbosarum* v.g. scorbuticarum, venerearum &c. morbosam ejusmodi ideam & dispositionem tenerioribus infantibus præmature imprimendum & communicantium, quæ dein, paulisper degenerando, facile Rhachitidem inducere valet; vel etiam nimis *luxuriosarum*, variisque voluptatibus tam quoad diætâ, quam reliquum vitæ genus indulgentium. Porro etiam 3) in infantibus ipsis modo dispositionem illam connatam ulterius actuant, vel etiam de novo talem morbum producant & excitant *vitia* quoad usum *rerum nonnaturalium* commissa, ex quibus inprimis admodum noxius est *Aër* frigidus, humidus, nebulosus, ac pluviosus, qualis in locis maritimis, paludosis, & pluviis imbribusque obrutis, nec non cubiculis

culis humidis & frigidis copiosius occurrit & attrahitur, dumque sanguinem plus justo inspissat ac viscidum reddit, motum ejus retardat & transpirationis successum impedit, necessario nutritios humores depravare & pituitosorum crassiorum abundantiam producere solet; quale quid etiam ab *alimentis* quantitate & qualitate peccantibus itidem expectandum est, quippe quibus plerumque etiam ita obruuntur & quasi infarciuntur infantes, ut digestio eximie inde lædatur, adeoque variæ cruditates pituitosæ, putridæ & acres relinquantur, quæ, si ad massam humorum postmodum delatæ fuerint, necessario horum mixtionem corrumpunt, sicque ad inducendas viscerum obstructions eosdem idoneos reddunt. Nec excludenda etiam ex hac classe sunt *animi pathemata*, *somnus* & *vigiliæ* & *motus* ac *quies*, quippe quæ partim turbando salutares motus vitales, partim etiam depravando humorum crasin & debilitando corpora talia cæteroquin imbecilliora, suum quoque symbolum ad producendum hunc affectum conferunt, quod etiam de *excretis* & *retentis*, debito modo non respondentibus, maxime autem alvi diuturnioribus adstrictionibus vel profluviis, valere autumo.

§. XIII.

De reliquo paucis tantum adhuc notare convenit, quod *subjectum universale* truculenti ejus affectus potissimum constituent infantes tenelli, quippe quibus primis post partum mensibus, aut saltem primo vel secundo anno, rarius tertio, concurrentibus prædictis causis, ille supervenire solet, quoniam tunc ipsorum partes

solidæ & ossæ laxiores & molliores, imo substantiæ tantum quasi membranacæ, eaque propter ad figuram irregularem admittendam aptiores sunt; quod autem pro *subjecto causæ morbificæ* generatim primas vias (sub quarum titulo tam chylicationis, quam bilificationis organa comprehendimus,) non nisi agnoscamus; ex superioribus jam jam liquet. Interim quoad *Prognosin* equidem non absolute lethalis est hic morbus, cum quandoque ætatis beneficio, Naturæ autocratia & mediantibus aliis benignioribus quibusdam morbis, v. g. febribus, scabie, Achoribus, Variolis, &c. &c. eundem, si modo recentior fuerit, plenarie profligatum fuisse, testentur Practicorum observationes; ast, si ante partum, vel etiam statim ab illo, præsentem nimiam partium mollitiem, invadat, nec non si alios periculosos & fonticos morbos, vel subsequos, vel comites habeat, e. g. Phthisin, Hydrocephalum, Paralytin, dentitionem difficilem, &c. &c. item, si partes nimium extenuatæ, spina dorsi debilior, capitis vero moles & ossium tumores enormiores appareant, horumque contractura & incurvatio nimium augeat; porro, si dentes nigrescant & excidant, asthma grave aut epilepsia superveniat, pessimus semper eventus pertimescendus erit; cum e contrario, si tussis clangosa, tanquam conatus validior Naturæ, materiæ peccantis elisionem urgentis, adfuerit, si scabies & pustulæ, pruritus universalis, aut etiam furunculi hinc inde in corpore observentur, si unice ab aëre victusque ratione obortus fuit hic affectus, si paulo diutius a partu, aut post prægressas etiam febres originem suam sumsit, majorem

rem utique spem felicioris reconvalescentiæ concipere liceat; in iis autem, qui ante annum quintum vel sextum ab hoc morbo non liberantur, spes omnis plane decollat talesque postmodum ætates suas ac vitam miserrime communiter exigere coguntur.

§. XIV.

Signa *Spinæ ventosæ* quod attinet, ea quidem si in principio adhuc constitutum sit malum, admodum dubia & obscura sunt, ut vix certo tunc determinari illud queat; Unicum enim & præcipuum horum est dolor membri *ὀστέονος*, lassitudinem ejusdem referens & nonnunquam puncturæ spinæ instar illud divexans, atque ex rosione vasorum membranaceorum in osse dependens, prout optime annotavit MERCLINVS in *Notis ad Pandolphini Tr. de ventos. Spinæ cap. 3. & 6.* concurrente simul in subjectis insolita somnolentia, languore, pallore atque laborum & exercitiorum corporis impatientia. Interim aliquando etiam ne hoc quidem signum adest, adeoque tunc demum affectus iste manifestatur, si humor acris, corrosa ossium substantia ipsum periostium aggrediatur, ubi certissime dolores tales, admodum sensibiles & molesti, se se exerunt, quos dein excipit tumor, pro congestorum humorum & afflictarum partium diversitate, modo mollis & oedematosus, modo etiam durus, inæqualis & variæ admodum figuræ, licet etiam quandoque, qui ab initio laxior apparebat, cum tempore itidem magis indurescat & schirrosus evadat. Tandem, si collecta & stagnans ibidem materia acrior fibrillas etiam musculares partium ossi incumbentium absorpsit, tunc in actualement inflammationem & exulce-

rationem plerumque transit, sicque pessimæ indolis
 ulcus, saniem, seu ichorem foetidum, lividum, modo
 tenuem, modo spissiolem, semper tamen satis copio-
 sum fundens format, sub quo dein caries hæctenus ab-
 scondita, vel mediante specillo investigari potest, vel
 aperte sese prodit, dum nimirum os fuscum, vel nigrum,
 asperum & inæquale, undique erosum & quandoque
 in tenax, viscidum & quasi oleaginosum magma penitus
 resolutum,prehenditur, ubi dein, si unicum non nisi
 officulum corruptum, aut at minimum in grandiori
 quodam Caries ista non admodum late diffusa fuerit,
 per longum satis temporis spatium in tali statu persistit
 malum, quale exemplum mihi quoque de puella sexen-
 ni nunc per duos fere annos tali spina ventosa laboran-
 te & pessima ejusmodi ulcera in brachio & pede geren-
 te, eaque propter opem & auxilium meum efflagitan-
 te, in Praxi obtigit; quando plura simul eroduntur
 ossa, aut debitus impuritatibus istis acrioribus denega-
 tur effluxus, atque per inconvenientia remedia malum ex-
 acerbatur, tunc febris secundaria, hæctenus quoque si-
 mul præsens, pariter augetur, tandemque in lentam &
 hecticam transit, viresque hac ipsa & dolorum simul
 diuturnitate exhauriuntur, & tandem Mors, ultima re-
 rum linea, hanc tragœdiam funesto exitu claudit.

§. XV.

Quod interim *subjectum principale* turpissimæ hu-
 jus corruptionis *Ossa* constituent, quilibet certe, vel me
 tacente, ex modo dictis colliget; ast, licet nullum fe-
 re in toto copore occurrat os, quod perpetuam ab hoc
 malo immunitatem sibi polliceri possit, cum omnium
 eadem

eadem sit substantia eademque textura, tamen quædam horum frequentius præ reliquis tali labe deturpari observantur, inprimis autem articuli pedis & brachii, in quibus sæpius illa occurrit, quemadmodum etiam, si alia ossa adoriatur, communiter magis eorundem apophyses & extremitates, quam ipsum corpus durius, afficere solet. *Adæquatum* vero hujus affectus *subjectum* sistit ipsum Periostium, una cum reliquis os erosum cingentibus partibus, quippe quæ, corrupto demum illo osse, itidem aggrediuntur & absumuntur, ut postmodum vera illius formalitas & indoles tanto facilius cuilibet pateat.

§. XVI.

Ratione ætiologiæ utique, pro *Causa immediata* & *proxima* pessimus hic morbus agnoscit serum acre, acidum & corrosivum, cum aliis impuritatibus virulentis ac fermentescentibus commixtum atque vel in corpore ipso & tota humorum massa oberrans ac ad specialem partem tandem delatum, vel in eadem etiam solitarie productum atque collectum, utpote inducendæ postmodum tali suspectæ partium duriorum corruptioni aptissimum: quod enim in ipsa sanguinis massa quandoque accerrimum tale serum aberrare & postmodum hinc inde gravissimas partium solidarum erosiones inducere valeat, non solum in Scorbuto & Lue venerea consummata sæpissime demonstrant sponte oborientia pessima ulcera, sed confirmant hoc etiam specialiora exempla, tam in A. N. C. quam a BONNETO in *Med. Septentr. Part. II. Lib. II. Sect. 2. Obs. 2.* recensita, ut & urinæ scorbuticorum lintamina plenarie corrodent.

rodentes, quales DORINGIVS in *Tr. de Scorb.* p. 109. & SENNERTVS *Tr. de Conf. & Diff. Chym.* p. 16. se vidisse afferunt. Quod autem ex sola quoque stagnatione particulari in aliqua regione, temporis successu humores insignem talem acrimoniam concipere queant, comprobatur non modo caries ossium simplex, ex longiori mora materiae saniosae ulceri diutius inhærentis & ossibus ipsis incumbentis, producta, sed & ipsi fonticuli, qui quandoque materiam usque adeo acrem plorant & fundunt, ut cutem, imo ossa erodat, referente HORNIO in *Microt.* p. 181.

§. XVII.

Causa mediata proximior hujus corruptionis vel generatim, in impetuosiori quadam humorum lymphatico-serosorum versus aliquam partem congestione & inde postmodum subnata stasi diuturniori, vel speciatim, in collectione, secessione & translatione feri acrioris fermentativi, aut specifici cujusdam miasmatis peregrini, acrioris & caustici, consistit, ubi plerumque mediantibus subtilissimis arteriis, sanguinem pro nutritione ossium necessarium advehentibus, ad horum substantiam porosam & cavernosam corruptus talis humor defertur ibidemque auctiorem dissolutoriæ & corrosivæ suæ indolis gradum nactus, tandem ipsam duriorum istarum partium substantiam ab intra extrorsum versus erodere, hacque ratione ipsam spinam ventosam excitare solet: Quænam vero *causæ* humoribus vitiosam talem qualitatem potissimum concilient, aut ad acrioris ejusmodi feri collectionem & translationem specificam disponant, sicque *mediatæ remotio-*

res aut occasionales existant, nunc quoque paucis disquirendum erit.

§. XVIII.

Ex naturalium rerum censu igitur suum huc confert Symbolum Temperamentum Cholericum & Melancholicum, *etas* tenerior *puerilis*, aut etiam quandoque *juvenilis*, nec non *sexus* sequior, ob humorum abundantiam, partium laxitatem & ossium minorem firmitatem atque duritiem, ubi tamen subiecta virilia, aut provectiori ætate constituta, propterea non penitus excludimus, quippe quæ etiam quandoque, licet rarius quam priora, huic affectui itidem subjiuntur: Nec omittenda etiam est *dispositio hæreditaria*, quippe quæ, uti ex observatione SENNERTI *Lib. V. Prax. Part. II. cap. 17.* in quibusdam familiis infelix hæreditariorum ulcerum mater existit, sic & hujus pessimæ corruptionis prima fundamenta facillime ponere potest, idque tanto magis & certius, si infantes in utero humoribus jam jam vitiatis, acribus, viscidis, scorbuticis, ex lue venerea vel alio graviore quodam morbo jam jam contaminatis, nutriti fuerint. Quoad *res Non-naturales* autem multum contribuunt *cibi* particulis salinis, acidis, viscidis, muriaticis ac fermentescentibus nimium turgentes simulque copiosius ingesti, nec non *potulenta* acida, tartarea & sæculenta, imo ipsa spirituosissima largius hausta; quid *somnus* frequens & diuturnus & quies nimia, unacum ordinariorum *excretionum*, maxime autem transpiratoriæ, menstruæ ac hæmorrhoidales turbatione ac suppressione, concurrentibus simul *animi pathematibus*, ad inducendam gravissimam humorum dyscrasiam

siam conferre valeat, per experientiam notissimum jam est; hinc paucis tantum, quænam ex *rebus præternaturalibus* ad hanc causarum classem referendæ sint, adhuc allegabimus, hasque inter primo loco ponimus *obstructiones viscerum colatoriorum*, collectioni & retentioni quarumlibet, maxime autem seroso-salinarum impuritarum vel maxime faventes, nec non subnatam exinde *Cacochymiam scorbuticam*, ubi summus & copiosissimus talium impuritarum proventus observatur, cui ad latus ponimus *Luem veneream*, fecundissimam sed simul nequissimam talium corruptionum matrem. Nec excludendi etiam sunt ipsi *morbi acuti*, speciatim Variolæ, Morbilli & Petechiæ retrocedentes, ubi quandoque etiam, licet rarius, acrimonia talis maligna versus ossa translata, ibique in statim prolapsa spinam ventosam excitavit, quæ tanto frequentius *Pernionibus* & *Gummatibus venereis* supervenire solet, præprimis si hæc ultima cum in- & externis mercurialibus inconvenienter tractentur. Ab *ossium* autem *fracturis*, *contusionibus* & speciatim *luxationibus* pessimum hunc affectum quoque induci testis est A VICENNA *Lib. IV. fen. 5. tract. 1. cap. 25.* præprimis si harum curatio & repositio tardius instituat.

§. XIX.

Prognosin quod spectat, utique spina ventosa hujus intuitu malum est gravissimum & a multis plane incurabile censetur, quoniam, si partis conditio non ferat, ut ossa corrupta abscindi queant, sicque corruptio ulterius semper progrediatur, plerumque tandem mortem infert miserrimam. Inprimis autem hæc circumstan-

tia

tia eximiam, circa ejus curationem, parit difficultatem quod debito tempore & quidem in primo statim principio, huic malo rarissime occurrere queamus, quoniam ut supra jam monuimus, tunc vel nulla plane vel saltem obscuriora sui indicia præbet. Interim, si recens fuerit, si talem occupaverit ossis regionem, quæ nervis atque tendinibus non admodum copiosis obsita est, si minor sit & breviori ambitu circumscripta corruptio nec nimis copiosam aut nimis foetidam & fundere continuet materiam, si morbus non admodum gravis præcesserit & eundem affectum introduxerit, sique vires quodammodo adhuc constiterint, meliorem semper spem de faciliiori ac feliciiori cura concipere licebit, quam si contrario modo hæc omnia se habent: Tunc enim si præcipue febris simul, cum aridura partis affectæ, vel plenaria corporis contabescencia supervenit, si dolores nimium quantum augentur & continuantur, si agrypnæ deliria & convulsiones accedunt, mortem plerumque ante limina stare certissimum est.

SECTIO POSTERIOR.

Rhachitidis & spinæ ventosæ therapiam monstrat.

§. I.

EXpositis jam iis, quæ proprie ad Morborum istorum gravissimorum cognitionem seu Theoriam pertinere visa nobis sunt, reliquum adhuc est, ut disquiramus, quomodo Curatio eorundem instituen-

da & adornanda sit. Cum ergo *Rhachitis* suam potissimum originem ex graviore viscerum, chylicationis negotio potissimum inservientium, obstructione humorumque nutritiorum dyscrasia & depravata qualitate, sumat, ante omnia eo invigilandum erit, ut convenienti ratione & methodo hæ causæ removeantur, eaque propter sequentes potissimum observandæ erunt indicationes. I. *Ut primæ viæ ab inhærescentibus sordibus & heterogeneis impuritatibus debite repurgentur*; II. *Obstructorum viscerum reseratio & apertio omni modo promoveatur*: III. *M. S. a viscositate & acrimonia p. n. liberetur, sicque æqualis & conveniens partium nutritio restituatur*, ac demum IV. *Partibus externis incurvatis coustrictis pristina sua mobilitas, activitas & vigor restituatur simulque viscera hæcenus afflictæ roborentur.*

S. II.

Primam indicationem generatim absolvunt remedia evacuantia tenerioribus hisce subjectis convenientia & proportionata, collectasque tam in ventriculo, quam intestinis impuritates modo per superius, modo per inferius guttur proscribentia, e quibus tamen posteriora præ prioribus semper tutiora judicamus, licet illa propterea haud penitus excludamus, cum in subjectis paulo aduicioribus & vegetioribus, in quibus graviores forsitan circa diætam prægressi fuere errores, adeoque copiosiore saburram in ventriculo delitescere certissimum est, satis egregium utique exerant effectum, & tunc non nisi mitiora, quorum dosin prudens Medicus pro ratione ætatis, variare potest, seligere convenit, qualia sunt syrupus flor. Persic. emeticus Angeli Salæ, Oxy-

Oxymel Squilliticum, sperma Ceti c. ꝑ Amygd. dulc. solutum, Rad. Ipecacuanh. aut etiam tertia vel sexta pars grani de Tart. emet. Mynf. e. Syrupo aliquo remiscenda. Ex purgantibus itidem leniora præferenda sunt, quo repetito usu, pro virium & circumstantiarum aliarum ratione, paulo diutius continuari queant, quoniam canalis intestinorum ab inhærentibus & poros vavorum lacteorum in tunica villosa obstruentibus viscositatibus pituitosis minime uno actu & impetu liberari ac repurgari potest. Convenit autem pro hoc scopo inprimis ꝑius dulc. rite præpr. paucis granis cum syrupo de Cichor. c. Rhab. vel de spina Cerv. vel de Manna vel rosar. solut. exhibendus, quippe qui insimul tenaciores humores colliquat & glandularum mesaricarum obstructionem modeste reserare adjuvat; cui vero hic non arridet, poterit Mannam depuratam vel ꝑisatam, Rad. Gialap. cum pauco scammon. ꝑto acuatam, aut Infusum aliquod Rhabarbarinum, vel Decoctum Fol. senn. adjecto sem. quodam carminativ. correctum, vel etiam tantopere deprædicatum ab aliis Decoctum Lini cathartici Anglicani substituere, hisque interdum, si modo subjectis commode propinari poterunt, Oia digestiva, inprimis ꝑisata, vel in sicca, vel in soluta forma interponere aut si nulla prorsus interna admittant nauseabunda ejusmodi subjecta, tunc adminimum Clysteres abstergentes & alvum leniter stimulant, ex Radic. Malv. Lil. alb. Caryophyllat. Lapp. maj. Herb. ꝑial. Parietar. Fumar. Cent. min. Flor. Samb. Chamom. Semin. Anis. Foen. græc. Vitell. ovor. ꝑ ex-press. Rut. Aneth. Irin. & Elect. lenit.

lenit. Florent, parandi, quandoque applicari poterunt.

§. III.

Quoad *alteram indicationem* obtenta repurgatione qualicunque primarum viarum conveniunt dein temperantia, diluentia, resolventia & abstergentia, quoad diversitatem ætatis subjectorum diversimode etiam ordinanda & propinanda, ita, ut infantibus adhuc sugentibus & nihilominus signa incipientis dirioris hujus morbi exhibendis pauciora quidem, simul vero etiam matri aut nutrici lactanti appropriata & intentionem hanc promoventia ordinentur medicamenta, quo titulo illis bis vel ter de die aliquot guttulæ Eff. Gent. rubr. C. B. Pimpinell. alb. Trifol. fibrin. aut Eff. alexipharm. temperatæ, his vero, præter similes Essentias etiam TRa ʒii acr. vel ʒi, Eff. Succin. Liq. ʒæ fol. ʒri, &c. conveniunt, interpositis, vel Infusis ex Rad. Pimpinell. alb. Trifol. fibrin. Serpentar. Virgin. Ononid. Chinæ, Polypod. Herb. Scolopendr. Marrub. alb. Cuscut. Fumar. Trifol. fibrin. Meliss. summit. Centaur. min. additis Fibr. Helleb. nigr. Fol. senn. Rhabar. or. & ʒe ʒi, veletiam Decoctis, ex Rad. Scorzonæ. Sarsaparill. Chin. Oxylapath. Herb. Veron. Agrimon. Marrub. alb. Baccabung. Hepat. nobil. Hed. ʒstr. Lign. Sassafr. Guajac. Sem. Fœnicul. & Cort. ʒnt. parandis, & matutinis pariter ac vespertinis horis convenienti dosi propinandis, de quibus etiam, si non usque adeo delicatæ indolis fuerint ipsi infantes, ut ejusmodi medicamenta plane respuant, itidem moderata dosis illis exhiberi potest, quoniam talia optimum semper & securissimum, præ

præ reliquis, exferere solent effectum. Quod si vero usum illorum patientes etiam quodammodo adultiores fastidiant, tunc ad minimum his TRa & ii vel ꝑi cum Ess. Pimpinell. alb. remixta, item Arcan. ꝑi liquidum Liq. Væ fol. ꝑi omnesque Essentiæ amaræ, in dosi proportionata ordinari debent, non omisissis sed potius, quantum fieri potest, sæpius repetitis pulveribus digestivis, ex Cremor. & Crystall. ꝑri, Arcan. dupl. ꝑo Qat. vel ꝑisat. Hepat. rubr. Dresd. ꝑe Anglic. vel digest. Sylv. Sach. lactis &c. parandis, qualia etiam Potionibus ex Vis diapnoicis concinnandis & cum Syr. domest. modeste edulcorandis, insimul addi, sicque forsitan commodius exhiberi possunt. Specificæ a quibusdam Practicis commendatur & magnis laudibus extollitur, Ens ꝑis Boylei, quod ex cap. mort. Qri & ꝑe ★co ana, ter quaterve de suo residuo sublimando, paratur & ad gr. III. vel IV. ordinatur; sed caute utique cum eodem procedendum & non nisi paulo vegetioribus subjectis, ab insultibus gravioribus febrilibus adhuc liberis, modeste ordinandum, de reliquo vero ab omnibus volatilibus, calefacientibus & orgasticis, nec non acidis & ꝑtialibus medicamentis, aperientium licet titulo superbientibus & pro hoc scopo vulgariter tantopere deprædicatis, sedulo abstinendum erit.

§. IV.

Tertiam indicationem impetramus partim per eadem temperata, diaphoretica & diuretica, nempe Essent. Alexipharm. Stahl. Pimp. alb. Succin. Lignor. aut Lign. Gvajac. sassafr. summitat. Pini, serpentar. Virgin. Rorismar. Trifol. fibrin. nec non TR. ꝑi & ꝑii, e quibus

bus tamen nonnisi temperatiora pro tenellulis infantibus seligenda, reliqua vero adulatoribus, vel ipsis etiam nutricibus reservanda erunt. Nec prorsus inutilia, quin potius, pro concurrente acrimonia humorum corrigenda & abitergenda, admodum proficua sunt absorbentia teneriora, veluti Mater. perlata Crügeneri, modo seorsim parcis & repetitis dosibus exhibenda, modo etiam prædictis potionibus socianda interponendo simul quandoque usum Æthiopis mineralis, a quibusdam Autoribus in rebelli hoc affectu specificè commendati, ita ut aliquot tantum grana illius cum absorbente quodam remisceantur & ita alternis diebus exhibeantur.

§. V.

Tandem ut *quartæ* satisfiat *indicationi*, convenit internis hisce adjungere *externa* lenientia, nervina & roborantia, quorsum non solum thermæ naturales, veluti sunt Carolinæ, Wisbadenses, & Emsenses, sed & artificialia balnea spectant, v. c. Balnea e segmentis coriariorum parata, vulgo *Loh-Bäder* dicta, item cum nido formicarum confecta, quæ *Umeisen-Bäder* vocantur, quæ ultima tamen cautius temperatori calore & breviori tempore ordinanda sunt, ne nimium humorum orgasmum excitare valeant; securiora autem his ipsis erunt ea, quæ ex vegetabilibus emollientibus, nervinis & tonicis parantur, v. c. ex Rad. Alh. Valer. Malv. Cariophyllat. Levist. Herb. Mercurial. Branc. ursin. Chamom. Artemis. Rorismar. Serpill. Origan. Antirrhin. Puleg. Salv. Meliss. Menth. Sem. Lin. Nigell. &c. &c. quorum usus singulis ternis vel quaternis diebus, ad dimidiæ vel unius horæ spatium extendendus, repeti potest,

est, ita tamen, ut post egressum ex tali balneo circa articulationes partium, nodis forsitan obsitarum aut incurvatarum, nec non spinam dorsi & ipsum abdomen induratum; Linimenta emollientia & nervina applicentur, quæ commodissime ex Ungv. de Althea, ꝑto, de Linar. nervino, ebulino, potab. rubr. & virid. c. Gum. ★co in ★to soluto remixtis, nec non succis Rad. Bryon. & Apii, ꝑois. expr. Lil. alb. Rutæ, chamom. verbasci, Balsam. Peruv. it. destillatis Meliss. Menth. Carv. Chamom. & Carpathino combinari possunt, ipsis autem durioribus articulorum tuberculis Emplastr. de Galb. Diach. compos. de Ammoniac. miraculos. & de Melilot. cum prædictis ꝑois expressis malaxata, imponere licet. His demum per aliquod tempus continuatis, si incurvata & rigida hæc membra quodammodo mobilia & tractabilia fieri incipiant, subjungendæ sunt machinæ extensionem & rectitudinem illarum promoventes & conservantes, uti sunt, quoad pedes & brachia, ocreæ ex balæna, aut ferulæ tam ferreæ, quam ligneæ, vel, quæ his commodiores sunt, ex charta compactiori & densiori, vulgo Pappen, paratæ, fasciarum beneficio ita adaptandæ incurvatis partibus, ut successive, absque insignioribus incommodis atque doloribus extendantur & in pristinum statum suum redigantur; quoad pectus autem & spinam dorsi conveniunt thoraces ex corio & ossibus Ceti, vel etiam minoribus ferreis laminis confecti, quibus successive arctius constringi possunt hæc partes, & tandem quoad caput, & præprimis colli incurvationem, commodissima est nova Gallorum machina, fer-

me ad instar capistri formata & *Chapeline de Guidon* dicta, qua mediante infantes de supremo conclavis parte suspenduntur sicque ob pondus corporis agitati, caput iterum in rectitudinem reclinatur. De reliquo, pro impetranda internorum viscerum roboratione, tunc quoque, si præprimis regularis nutritio quodammodo redire videatur, securiora tonica interne propinanda erunt, videlicet *Mixt. ton. nerv. Stahl. TRa* & *Ætis Ludov.* & *diaphor. Æt. & Crocus Ætis* & *tus Stahl.* ita tamen, ut supra dicta laxantia simul in usum trahantur & quandoque his interponantur.

§. VI.

Quod vero *Spinæ ventosæ* Curationem attinet, summe equidem difficilis illa est, sive lateat, sive pateat ipsum hoc malum; interim tamen ut Medicus pariter ac Chirurgus, quantum fieri potest, suo satisfaciant officio, sequentes ante omnia ab ipsis observandæ erunt indicationes: I. *Ut collecta circa primas vias saburra tempestive removeatur*; II. *Massa humorum ab impuritatibus serosis acribus debite repurgetur*; III. *Pars affecta debite mundificetur, abstergatur & fontica illa corruptio ibidem extinguatur, tandemque* IV. *ad consolidationem perfectam deducatur, aut, si impossibilis illa fuerit, convenienter auferratur.*

§. VII.

Primam indicationem absolvunt vel Vomitoria, in robustis adhuc & evemetis subjectis admodum proficua, ex *Rad. Ipecuanh. c. ʒi emet. gr. j. acuata*, aut solo etiam hoc *ʒo emet. cum ʒo tiato combinato*, constantia & præmissis digestivis propinanda; vel purgantia

gantia & laxantia leniora, balsamica simul virtute instructa, utpote Pilulas ex Extr. Aristol. O. Gent. rubr. Pimpinell. alb. Fumar. Trifol. fibrin. Cent. min. Cochlear. Helleb. nigr. Panchymagog. Croll. ꝯio dulci Resin. Gialapp. aut Scammon. &c. paratas, aliquoties etiam sub ipsa cura postmodum repetendas, quarum in locum etiam, si lubet, aliæ, e. g. ꝯæ Quercetani, de Succino Cratonis aut Becherianæ cum Extr. Panchym. Croll. & ꝯio dulc. remixtæ substitui, hisque insuper sedulo digestiva, pro abstergendis simul viscositatibus, interponi possunt.

§. VIII.

Alteri autem indicationi satisfieri potest per Infusa & Decocta tam diluentia, quam resolventia, abstergentia, & præcipue simul per epicrasin laxantia ex rad. Scorzoner. Chin. Sarsæparill. Pimpinell. alb. Onon Levist. Herb. Fumar. C. B. Trifol. fibrin. Cent. min. Agrimon. Capill. ꝯis Adianth. alb. Origani, Semini. Fœnic. Dau-ci, Lign. Sassafr. Guajac. Junip. Rad. Helleb. nigr. Mechoc. Rhab. orient. Bryon. Fol. Senn. Alexandr. Agar. alb. &c. &c. paranda, interponendo simul, in subjectis præcipue phlegmaticis atque serosis, usum Decocti cujusdam lignor. temperationis, nec non conjungendo, præcipue in reliquis Essentias diaphoretico-diureticas, veluti Angel. Imperator. Pimpinell. alb. Vincetox. Lign. Sassafr. & Succin. nec non TRam ꝯii & ꝯi bis vel ter de die semper ad gutt. xxx -- xl. exhibendas, quorsum etiam pulveres ex salibus digestivis absorbentibus tenerioribus & Osis conflati, pertinent, quorum omnium tamen usum per plures septimanas continuare oportet,

quoniam non nisi successive, inprimis in malo usque adeo rebelli, effectum suum exhibere solent. Proinde etiam a quibusdam pro hoc scopo obtinendo masticatoria ex Radice Pyreth Zingib. Pimpin. alb. Mastiche &c. parata, item fonticuli prope partem affectam excitandi & ipsa etiam Vesicatoria aliquoties repetenda, commendantur, sed parum utilitatis directe talia afferunt, adeoque magis præservationis, quam positivæ curationis gratia ordinanda erunt. Tanto magis autem cum salivatione caute procedendum erit, quam plerumque etiam circa hanc indicationem suadent, ne illa vel indiscretim, vel intempestive suscipiatur, nisi concurrens fermentum venereum, vel alius affectus pertinax & inveteratus, eandem exposcat & subjectorum constitutio paulo vegetior & robustior illam admittat.

§. IX.

Quoad *tertiam indicationem* dispiciendum ante omnia est, an corruptio ista fontica adhuc abscondita sit, an vero jam jam aperte pateat: In priori enim casu, ubi dolor supra descriptus ab adhibitis externis discutientibus, resolventibus & lenientibus nihil mitigatur, quin potius de die in diem augefcit, sicque latens in herba agnoscitur anguis, cunctandum non est, sed convenit tempestive scalpello ad tumorem magis vel minus prominentem adacto, eundem secundum fibrarum musculosarum ductum aperire, ut postmodum dilatatis labiis ulcus ipsum tanto commodius explorari & repurgari queat. Impetratur autem hoc ipsum per digestiva, purificantia, siccantia & putredini resistentia eandem-

eandemque corrigentia, inprimis autem graviolem illam ossis cariem remouentia, qualia sunt pulueres ex Rad. Aristoloch. O. Ireos flor. Bryon. Angel. Peucedan. Thure, Euphorb. parati, ipsi ossi, si qualitas ulceris id permittat, inspergendi, nec non Ungu. fuscum Fel. Würtzii cum pulvere Therebinth. coct. remixtum, quod, juxta BARBETTE commendationem, cariem ossium egregie absomit illamque simul optime siccatur. Quod si vero talia ita immediate ad os corruptum applicari nequeant, tunc in forma liquida mediante syringa similia injicienda erunt, quo nomine a prædicto BARBETTE Nus Chi c. Vini temperatus, ab aliis vero Euphorbium Vini solutum ac cum o Caryophyll. & Balsam. Peruv. temperatum, nec non ꝛ dulc. in ∇a Plantag. resolutus, commendantur, cum quorum usu tamdiu continuandum est, donec omne vitiosum omneque callosum penitus separatum atque exemptum sit. Quidam etiam scalpro tantum rasorio, aut terebra, vel cauterio actuali, cariem talem removeere volunt, sed hæc ipsa methodus tunc demum in usum vocari potest, quando illa vel non admodum magna est, vel profundius hæret.

S. X.

Quod si demum sub horum remediorum usu & sedula continuatione naturalis albicans ossium color redeat simulque solidum, æquale & punctulis rubris undique oblitum appareat, tunc licet, quoad *quartam indicationem*, balsamica, myrrhata, cicatrisantia & sarcotica applicare hisque reliquam curam penitus, more consueto, absolvere. Contra vero, si omnem illorum

lorum medicamentorum vim eludat corruptio, & partis affectæ conditio permittat, tunc vel portio ossis corrupti caute extrahatur, vel, quod adhuc securius, ipsa pars in regione adhuc sana amputetur & rescindatur, circa quam vero operationem quid potissimum observandum & quomodo perficienda illa sit, ob temporis & chartæ angustiam hic repetere non lubet, cum præprimis fufius hæc omnia a celeberrimis Chirurgis, SCVLTETO, NVCKIO, HEISTERO aliisque jamjam tradita sint, ad quos propterea L. B. remittere lubet.

§. XI.

Interim, antequam Tractationi huic colophonem imponam, paucis adhuc singularem & prorsus insolitam, per experientiam tamen sæpius comprobata, illam medendi methodum annectere placet, qua in curanda non solum Spina ventosa, sed & omnibus aliis pertinacioribus & Chirurgorum consueta medicamina spernentibus fistulosis ulceribus, usus est Pastor quidam veteranus, in sylvæ, vulgo *Wester-Wald* dictæ, pago quodam non ita pridem demortuus; hæc autem, prout ex ore Excellentiss. Dni Præsidis habeo, cui testis oculatus omnia retulit, in sequentibus consistebat: Sumebat ille Felem nigerrimi coloris, & detruncato capite omnem ejus sanguinem excipiebat, continuo simul agitando illum, ne concreceret; dein, detracta pelle, carnem cum modica ∇ æ fontanæ quantitate tamdiu coquebat, donec omnis facile ab ossibus secederet, hancque postmodum fortiter exprimebat, & succum talem, cum residuo jusculo permixtum, quotidie

tidie ægroto bis vel ter de die, ad aliquot uncias, calide exhibebat ; ulceri autem fistuloso ac carioso, præmissis debitis mundificantibus, quotidie parum de sanguine illius animalis asservato immittebat, sic brevi temporis intervallo pessimæ indolis corruptiones feliciter ad consolidationem deducebat, qua de causa etiam hanc ipsam methodum ulteriori L. B. dijudicationi & experientiæ nunc relinquere volui, hoc unicum tantum adhuc superaddens, ut durante pariter ac absoluta hujus & prioris pertractati affectus curatione, semper Diæta exquisita injungatur & observe-
tur, cujus præscriptionem ex iis, quæ de causis remotis pessimorum horum affectum jam jam dicta sunt, quilibet attentus & judiciosus Medicus facili negotio formare poterit.

F I N I S.



Quis-

Quisquid sublimes Heliconis anhelat honores,
 Et cupit à Musis cingi sua tempora Lauro:
 Scito, manu segni non talia præmia carpi,
 Nec callem immeritis pandi, qui ducit ad ista.
 Hoc GEHLERE! satis mihi cognovisse videris;
 Hinc Musas studio, magnoque secutus amore
 Insomnes transegisti noctesque diesque:
 Inde caput permulta tulit, sudavit, & alsit;
 Sed non pœniteat, tales subiisse labores,
 Nam carpes horum fructus & præmia justa,
 Quæ tibi jam digno noster largitur Apollo.
 Gratulor ergo hunc ex animo Doctoris honorem,
 Utque salutarem ferat hic patientibus usum
 Comprecor, & fundos fortuna saginet opimos.

Ita

*Nobiliss. atque Clariss. Domino Doctorando,
 Hospiti suo suavissimo de supremis in
 Medicina honoribus propediem obtinen-
 dis, ex animo applaudit & successus invi-
 dendos simul ominatur,*

D. ANDREAS ELIAS Büchner/
 Institut. Med. Prof. Publ. & Fac. Med. Assess.
 Extr. S. R. I. Acad. Nat. Curios. Collega.

